

# Statuts da la Giuventetgna Rumantscha (GiuRu)

## I Disposiziuns generalas

### Art. 1

La Giuventetgna Rumantscha (GiuRu) è in'uniu libra da la confessiun e politicamain independenta tenor art. 60 ss. dal cudesch civil svizzer. La GiuRu è in'uniu affiliada da la Lia Rumantscha e commembra da fundaziun sco era uniu affiliada da la giuventetgna europeica da minoritads (YEN).

### Art. 2 Intent

#### La Giuventetgna Rumantscha

- \* cultivescha e promova il contact tranter la giuventetgna da las differentas regiuns rumantschas e da la bassa.
- \* stgaffescha l'encletga tranter las regiuns rumantschas cun sustegnair e promover las activitads ch'interessan la giuventetgna.
- \* tschertga e tgira sin nivel chantunal, federal ed intercultural contacts cun gruppas che han sumegliantias finamiras.
- \* è l'uniun tettgala da las uniuns da giuventetgnas rumantschas en il chantun Grischun e promova il diever dal rumantsch e sustegn projects da questas uniuns.

### Art. 3 Commembranza

Commembras e commembres da la Giuventetgna Rumantscha pon esser persunas naturalas tranter 16 e 30 onns che discurran rumantsch sco era uniuns da giuventetgna rumantschas. Mats e mattas dad ina uniu da giuventetgna ch'è commembra da la GiuRu entran tar l'access a lur uniu locala er en la GiuRu cun ils medems dretgs e duairs sco commembres singuls. La contribuziun d'entrada è valaivla per l'entir temp en la Giuventetgna Rumantscha.

### Art. 4 Organs

Ils organs da la Giuventetgna Rumantscha èn:

- a) la radunanza generala
- b) la suprastanza
- c) il revisurat

### II Radunanza generala

### Art. 5 Cumposiziun

La radunanza generala è l'organ suprem da la Giuventetgna Rumantscha. Ella sa cumpona da:

- a) commembras e commembres tenor art. 3
- b) commembras e commembres da la suprastanza

**Art. 6** Convocaziun e lieu da radunanza

La radunanza generala ha lieu mintg'onn. La suprastanza u 10 commembraas u commembraas pon pretender radunanzas extraordinarias.

Il termin cun la glista da tractandas è da communitgar almain 30 dis avant a las commembraas ed als commembraas e da publitgar sin la pagina en la rait e sur ils mieds sociaals sco er en las gasettas rumantschas. Il lieu vegn fixà da la suprastanza, resguardond las differentas regiuns.

**Art. 7** Cumpetenzas

La radunanza generala tracta e fixescha las directivas generalas da l'activitat da la Giuventetgna Rumantscha. Ella elegia la suprastanza, il revisurat ed incumbensads/-adas per eventualas funcziuns spezialas. Ella deliberaascha il protocol da la davosa radunanza generala, il rapport annual da gestiun da la suprastanza ed il quint e rapport dal revisurat. La radunanza generala decida davart l'autezza da la contribuziun da commembranza.

**Art. 8** Procedura per elecziuns e votaziuns

Tuttas elecziuns vegnan fatgas cun tscherna averta, nun ch'in/a commember/-bra pretenda in scrutini. Per tuttas elecziuns e votaziuns vala il pli da las commembraas/dals commembraas preschents/-as.

**Art. 9** Admissiun ed exclusiun

Commember/-bra po daventar mintgin/a che sustegna la finamira tenor art. 2 e che correspunda a las premissas tenor art. 3.

Commembraas e commembraas che cunterfan a las finamiras da l'uniuon pon vegnir exclus/as da la radunanza generala e da l'uniuon.

### III Suprastanza

**Art. 10** Cumposiziun ed elecziun

La suprastanza sa cumpona almain da 5 commembraas/-bras:

- \* president/a
- \* vicepresident/a
- \* actuar/a
- \* cassier/a
- \* assessur/a

En suprastanza duess esser representada tant sco pussaivel giuvnas e giuvens da tut la Rumantschia ed er esser equilibrà resguardond tut las schlattainas.

Las persunas en suprastanza vegnan elegidas per 2 onns cun il dretg da vegnir reelegidas.

**Art. 11** Incumbensaas

La suprastanza è l'organ executiv ed administrativ da la Giuventetgna Rumantscha. Ella representanta la Giuventetgna Rumantscha, exequescha tut las incumbensaas da gestiun per rumantsch e convochescha la radunanza generala.

**Art. 12** Cumpetenças

La suprastanza elegia cummissiuns per incargas specificas, po incumbensar commembers e commembras per lavurs extraordinarias ed è obligada da clamar en in team d'organisaziun per seminaris u emnas da projects.

La suprastanza po proponer d'undrar commembers e commembras per merits extraordinaris. Davart la nominaziun decida la radunanza generala.

**Art. 13** Sesidas

La suprastanza vegn convocada dal president tenor basegn u sche traís commembers/-bras giavischán ina sesida. Las decisiuns vegnan prendidas cun la maioritad. En cas da paridad da las vuschs tar las votaziuns ha il president/la presidenta la vusch da tagl.

**IV** Revisurat**Art. 14** Controlla dal quint

Las duas persunas dal revisurat che discurran rumantsch controlleschan mintg'onn il quint da la Giuventetgna Rumantscha e dattan rapport a la radunanza generala.

**V** Differentas disposiziuns**Art. 15** Dissoluziun

Sche la Giuventetgna Rumantscha avess da sa schliar, duess la facultad restar deponida durant 20 onns tar la Lia Rumantscha e vegnir restituída a l'uniun, per cas che quella sa constituiss danovamain. Cas cuntrari duess la facultad vegnir duvrada per autres activitads a favur da la giuventetgna rumantscha.

**Art. 16** Vigur e revisiun dals statuts

La radunanza constitutiva da la Giuventetgna Rumantscha ha approvà questi statuts ils 9 d'avust 1991 a Laax e la radunanza generala ha revidì questi statuts ils 28 d'avrigl 2018 a Cuira. Els entran en vigur cun quest termin. La radunanza generala po reveder questi statuts cun in pli da 2/3 da las vuschs preschentas.

Laax, ils 9 d'avust 1991

Cuira, ils 28 d'avrigl 2018

Per la Giuventetgna Rumantscha

Il president  
Roman CathomasIl president  
Uolf CandrianL'actuar  
Chasper AlexanderL'actuara  
Michelle Parli